


14  
1666  
8





家傳

致志  
思儒



門 4  
號 1666  
卷 8

光緒六年庚辰  
五月  
氏知娘命

早稻田大學圖書館  
第 28.9.7 文  
藏 書

欽定四庫全書提要

元儒攷略四卷

明馮從吾撰從吾字仲好長安人萬厯己丑進士改庶吉士又改御史以上疏言事廷杖歷遷左副都御史以爭紅丸挺擊事乞歸起工部尚書以疾辭後竟削奪及奄黨敗詔復官諡恭定事蹟具明史本傳是編乃集元代諸儒事實各爲小傳大抵以元史儒學傳爲主而旁採志乘附益之中有大書特傳者亦有細書附傳者皆據其學術之高下以爲進退體例頗爲叢碎又名姓往往乖舛如歐陽元別號圭齋今乃竟題作歐陽圭旣以號作名又刪去一字校讎亦未免太疏然宋儒好附門牆於淵源最悉明儒喜爭同異於宗派尤詳語錄學案動輒災梨不啻汗牛充棟

元儒攷略卷一  
惟元儒篤實不甚近名故講學之書傳世者絕少亦無匯合諸家勒爲一帙以著相傳之系者從吾掇拾殘剩補輯此編以略見一代儒林之梗概存之亦足資攷證物有以少見珍者此之謂歟

元儒攷略卷一  
趙復字仁甫德安人元太宗命太子庫春征德安俘得復時姚樞以行臺郎中同行中書省楊惟中從軍樞奉命搜訪人才見復與語大悅之復以九族俱殘不欲生因與樞訣樞恐自裁畱帳中共宿既覺月色皓然惟寢衣在遽馳馬周號積尸間無有也行至水際見復已被髮徒跣仰天而號欲投而未入樞曉以徒死無益汝存則子孫或可以緒傳鳳鑣案元史作傳緒百世隨吾而北可必鳳鑣案元史作必可無他復強從之先是南北道絕載籍不相通洛閩之學惟行於南方之士惟崇眉山有蘇氏之學至是復以所記程朱之書錄以付樞惟中間復議論鳳鑣案元史作論議始嗜其學乃與樞謀建太極書院立周子祠以二程張楊游朱六君子配鳳鑣案元史作論議始嗜其學乃與樞謀

元儒攷略卷一

明馮從吾撰

趙復字仁甫德安人元太宗命太子庫春征德安俘得復時姚樞以行臺郎中同行中書省楊惟中從軍樞奉命搜訪人才見復與語大悅之復以九族俱殘不欲生因與樞訣樞恐自裁畱帳中共宿既覺月色皓然惟寢衣在遽馳馬周號積尸間無有也行至水際見復已被髮徒跣仰天而號欲投而未入樞曉以徒死無益汝存則子孫或可以緒傳鳳鑣案元史作傳緒百世隨吾而北可必鳳鑣案元史作必可無他復強從之先是南北道絕載籍不相通洛閩之學惟行於南方之士惟崇眉山有蘇氏之學至是復以所記程朱之書錄以付樞惟中間復議論鳳鑣案元史作論議始嗜其學乃與樞謀建太極書院立周子祠以二程張楊游朱六君子配鳳鑣案元史作論議始嗜其學乃與樞謀

取遺書八十

鳳鑣案元史作八千

餘卷請復講授其中復以周程而

後其書廣博學者未能貫通乃推原義皇

鳳鑣案元史作義農

堯舜

所以繼天立極孔曾

鳳鑣案元史無曾字

顏孟所以垂世立教周程

張朱氏所以發明紹續者作傳道圖而以書目條列於後別著伊洛發揮以標其宗旨朱子門人散在四方則以見諸登載與得傳聞者共五十有三人乃作師友圖以寓私淑之志又取伊尹顏淵言行作希賢錄使學者知所嚮慕然後求端用力之方備矣樞既退隱蘇門乃即復傳其學而由是許衡郝經劉因皆得其書而遵

鳳鑣案元史作尊

信之北方之

鳳鑣案元史作知

有程朱之學者自復始復為人樂易耿介

以儒學見重於世雖燕居

鳳鑣案元史作居燕

不忘故土世祖在潛

邸嘗召見問曰我欲取宋卿可道

鳳鑣案元史作導

之乎對曰宋

吾父母國也未有引他人而伐吾父母者世祖悅從

鳳鑣案元

史作不彊之仕元好問南歸復贈之言以博溺心未喪本

為戒以自修讀易求文王孔子之用心為勉其愛人以德

若此竟不受官而終學者稱為江漢先生元史入儒學傳

姚樞字公茂號雪齋柳城人後遷洛陽元初以楊惟中薦

為燕京行臺郎中從軍德安詔樞搜訪人才得名儒趙復

從復得觀程朱理學之書時伊囉幹齊行臺惟事貨賂以

樞幕長分及之樞一切拒絕棄官隱於蘇門墾荒田數百

畝築茅為屋置私廟於室中堂肖魯司寇容傍列周程張

邵司馬六君子像讀書鳴琴其間以道學自任許衡竇默

咸從遊師友淵源斯道若將終身世祖在潛邸倡明遣召

之待以客禮詢及治道樞為書數千言陳二帝三王之道

嘗從世祖征大理樞陳宋太祖遣曹彬取南唐不殺一人

事世祖嘉納之諸凡內修外攘之政悉委任焉官至昭文

館大學士翰林承旨李贈太師諡文獻樞為人含宏仁恕

未嘗疑人欺已有負其德亦不畱怨憂患之來不見顏鳳

案元史色有來即謀必反復告之子焯字顯夫號誠齋官

至平章政事元史有傳

許衡字平仲鳳鑣案元史作仲平號魯齋懷之河內人鳳鑣案元史作七

歲從塾師問讀書欲何為師曰取科第巨曰如斯而已乎

師大奇之稍長嗜學益篤遭世亂且貧無書間人有善本

即往求觀夜思書誦一言一行必質之書嘗暑中過河陽

渴甚道旁有梨眾爭取啖衡獨坐樹下自若或問之曰非

其有而取之非義也人曰世亂此無主曰梨無主吾心獨

無主乎轉魯畱魏與竇默友善自是出入經傳汎濫釋老

下至醫卜諸子百家兵刑貨殖水利算術靡不研究所至

學者翕然師之既還懷會姚樞講學蘇門衡同默往從之

始獲讀程朱諸書遂幡然大悟還謂學者曰吾所授受殊

孟浪也今始間進學之序矣取向來簡帙悉焚之使無大

小皆自小學入嘗與子書曰小學四書吾敬信如神明能明此

雖他書不治可也已而移家蘇門依樞以優誦習樞被召

衡獨處慨然以斯道為己任嘗曰綱常不可一日亾於天

下苟在上者無以任之則下之責也凡喪祭嫁娶必遵古

禮後學者益眾家貧躬耕處之泰然歌誦之聲聞戶外如

出金石者世祖出王秦中以樞薦召提學京兆風化大行

世祖南還懷比即位召衡於家上問所學以學孔子對尋

請歸已復召為太子太保衡力辭改國子祭酒謝病歸未

幾除左丞召議事中書省請歸又未幾召定朝議官制復

請歸後召以集賢大學士守鳳鑣案元史作兼國子祭酒衡曰此

吾事也乃請徵其弟子王梓劉季偉韓思永即律有尚呂

端善姚燧高凝白煉蘇郁姚燉孫安劉安中十二人爲伴  
 讀夾輔薰陶由是人人自得師尊鳳鑣案元史作尊師敬業下至童  
 子亦知三綱五常爲生人之道教成以改葬親喪歸後又  
 召以國子祭酒領太史院事同王恂楊恭懿等定麻廐成  
 病歸卒於家年七十三追封魏國公諡文正蒲人王楫年  
 踰六十衰經赴葬司賓者辭曰門人衰禮歟楫曰吾師也  
 術藝之師歟賓主之師歟吾何懼乎報之無從吾將以媿  
 無王通之門人巨其感人如此衡之學一以朱子之言爲  
 法真知實踐超然自得其立朝屢召屢辭歸問伐宋終不  
 對未嘗少貶所學以徇世誠朱子之後一人而已所著有  
 小學大義讀易私言孟子標題四箴說中庸說語錄等書  
 皇慶初詔從祀于廟廷鳳鑣案元史作從祀孔子廟庭元史有傳  
 竇默字子馨初名傑字漢卿肥鄉人幼讀書毅然有立志

時遭金世亂避地蔡州遇名醫授以鍼術又走德安孝感  
 令謝憲子鳳鑣案元史作子以伊洛性理之書授之默喜以爲笱  
 未嘗學而學自此始尋北歸隱居大名與許衡友善間姚  
 樞講學蘇門默與衡往從之朝夕講習至忘寢食繼還肥  
 鄉以經術教授世祖在潛邸間其賢遣召之默變姓名以  
 自晦使者俾其友人往見之微服踵其後不得已乃拜命  
 問治首以三綱五常誠意正心爲言久之請南還及世祖  
 卽位召問欲求如唐魏徵者乃薦許衡史天澤累官昭文  
 館大學士卒贈太師諡文正封魏國公默爲人樂易平居  
 未嘗評品人物與人居溫然儒者也至論國家大計面折  
 廷諍人謂汲黯無以過之帝嘗謂侍臣曰朕求賢三十年  
 惟得竇漢卿李俊民二人子履官至集賢大學士元史有  
 傳



晃國章字□□高平人性聰敏邃於理學避金不仕教導  
生徒從遊者眾士論歸美方古逸民見山西通志  
耶律有尚字伯強遼東丹王十世孫祖父官東平因家焉  
有尚資識絕人篤志於學受業許衡稱高弟子其學邃於  
性理而以誠為本儀容辭令動中規矩識與不識莫不服  
其為有道之君子至元中衡為祭酒奏以門人十二人為  
伴讀有尚其一也比衡告歸上以有尚等為助教嗣領其  
學事久之拜監察御史不赴除祕書監丞出知薊州裕宗  
在東宮召為詹事院長史尋改國子監司業晉祭酒儒風  
為之不振以親老辭歸後屢召屢辭累官昭文館學士兼  
祭酒力請致仕有尚歿後五居國學其立教以義理為本  
而省察必親鳳鑣案元史作真切以恭敬為先而踐履必端慤凡  
文辭小伎足以破聖人之道者皆屏黜之是以諸生成

知趨正學崇正道以經術為尊以躬行為務悉為成德達  
材之人鳳鑣案元史作士大抵其教法一遵衡之舊而勤謹有加  
焉身為學者師表者數十年海內宗之猶如晉之宗衡云  
卒年八十六諡文正元史有傳

姚燧字端甫平州柳城人燧三歲而孤育於世鳳鑣案元史作伯

父樞樞居蘇門督教燧甚急楊奐馳書止之曰燧合器也

長自有分鳳鑣案元史作成爾何以急為且妻以猶女年十三從

許衡游至元中衡累官翰林學士承旨燧之學有得於衡  
以窮理致知反躬實踐為事為世名儒為文閱肆該洽有  
西漢風時高麗國王求燧詩文燧斬不與至奉旨乃與之  
王贈謝幣帛金玉名畫五十篋盛陳致燧燧即時分散諸  
屬官及吏胥侍從金銀付翰林院為公器皿燧一無所取  
人問之燧曰彼藩邦小國惟以貨利為重吾能輕之使知

大朝不以是為意器識豪邁過人類如此然頗恃才輕視孟頫元明善輩故君子以是少之所著有國通離合表若干卷收菴集五十卷元史有傳

呂壘字伯充先河內人金末隨父佑徙家關中壘從許衡學衡為祭酒舉壘為伴讀輔成教養壘功為多至元間為四川行院都事勸主將李德輝不殺巴人感德立祠祀之知華州勸農興學俱有成效累官翰林侍讀學士致仕卒追封東平郡公諡文穆大德中河東關隴地震月餘壘與蕭鐸各設問答數千言以究其理居父憂悉葬一倣古禮衡貽書稱其信道力行為楊元甫之亞云元史有傳

劉宣字

鳳鑣案元史

宣字伯宣潞州人徙太原沈毅清介有經

世志嘗從許衡講明禮鳳鑣案元史學累官吏部尚書時伐

交趾再征日本宣上疏諫累遷行臺御史中丞節操為世

所重卒諡忠憲見一統志元史有傳

李俊民字用章澤州人得河南程氏之學金承安舉進士第一應奉翰林文字未幾棄官不仕以所學教授鄉里從之者甚眾至有不遠千里而來者金源南遷隱於嵩山下自號鶴鳴後徙懷州俄復隱於西山既而變起倉卒人服其先知俊民在河南時隱士荆先生者授以邵雍皇極數時之知數者無出劉秉忠之右亦自以為弗及也世祖在潛藩以安車召之延訪無虛日遽乞還山世祖重違其意遣中貴人護送之又嘗令張仲一問以禎祥及即位其言皆驗而俊民已歿賜諡莊靜先生元史有傳

張特立字文舉東明人金泰和中進士累官監察御史坐言宰執罷歸田里特立通程氏易教授生徒金亡不仕元世祖在潛邸受王印首傳旨諭特立曰壽監察御史張特

立養素邱園易代如一今年幾七十研究聖經宜錫嘉名  
 光潛德可特賜號曰中庸先生又名其讀書之堂曰麗澤  
 已又降璽書諭特立曰白首窮經誨人不倦無過不及學  
 者宗之管已賜嘉名今復諭意歲癸丑特立卒年七十五  
 中統初詔曰中庸先生學有淵源行無瑕玷雖經喪亂不  
 改故常未遂邱園之責俄興窀穸之悲可復賜壽號以彰  
 寵數特立所著書有易集說歷年係事記元史入隱逸傳  
 李治字仁卿欒城人金末進士知均鳳鑣案元州金亾不  
 仕流落忻崞間聚書環堵人所不堪治處之裕如也元世  
 祖在潛邸聞其名賢遣使召之且曰素聞仁卿學優才贍  
 潛德不耀久欲一見其勿他辭既至問今乏人材治以趙  
 復郝經等為對又問天下當何以治之治對有法度則治  
 循名責實則治進君子退小人則治世祖嘉納之治晚家

元氏買田封龍山下學徒益眾及世祖即位復聘之欲處  
 以清要治以老病懇求還山至元二年再以學士召就職  
 朞月以老病辭去卒於家年八十八所著有敬齋文集四  
 十卷壁書叢鳳鑣案元史作叢削十二卷汎說四十卷古文鳳鑣案元史作  
 史作今難四十卷測圓海鏡十二卷益古衍段鳳鑣案元史作疑三  
 十卷元史有傳嶽生案古文難當是古今難譌文難或誤  
 八卷今云四十卷恐非又演段原本誤行疑破演段祇二卷今作三十卷亦非  
 王磐字文炳號鹿菴永年人舉金進士後仕元世祖官至  
 翰林學士兼修國史與許衡友善同議朝政裨益良多磐  
 自幼篤志好學超然異眾蒐羅經史百氏文辭宏放常講  
 學蘇門東平嚴實興學養士迎磐為師受業者嘗數百人  
 當時稱為名儒文天祥歿磐哭以詩有大元不殺文丞相  
 君義臣忠兩得之之句人爭傳誦之或有流涕者卒年九

十二封潞國公諡文忠出其門者汲人王惲為最著惲字仲謀號秋澗博學有俊才舉進士仕至翰林學士承旨進封太原郡公諡文定所著有秋澗集元史有傳

楊奐字煥若鳳鑣案元史作然號紫陽乾州奉天人母程嘗夢東

南月鳳鑣案元史作日光射其身有一神人以筆授之已而生奐

其父振以為文明之象因名曰奐天性至孝年十二鳳鑣案元

史作一 喪母哀毀如成人未冠夢遊紫陽閣景趣甚異後因

以自號長師鄉先生吳榮叔迥出倫輩讀書厭科舉之學

遂以濂洛諸儒自期時金未嘗作萬言策指陳時弊辭旨

剴切皆人所不敢言者詣闕欲上之不果元初隱居講學

授徒抵鄆縣柳塘門生百餘人翔建紫陽閣即清風閣稱

紫陽先生嘗避兵河朔士大夫想望風采求見者應接不

暇東平嚴實久聞其名數問其行藏而奐終不一語歲戊

戌鳳鑣案元史作丁酉太宗召宣德稅課使劉用之試諸道進士先

生試東平兩中賦論第一以耶律楚材薦授河南路徵收

稅課所長官兼廉訪使既至招致一時之名士與議政事

約束一以簡易為事案行境內親問監務月課幾何難易

若何有以增額為言者奐責之曰剝下欺上汝欲我為之

耶即減元額四之一公私優之不踰月政成時論翕然謂

痔此漕司未有也在官十年請老於燕之行臺王子世祖

在潛邸時驛召奐參議京兆宣撫司事累上書請歸築堂

曰歸來以為佚老之所教授□□者著述不倦乙卯病革

諭子弟孝弟力田以廉慎自保戒家人無事二氏齋醮引

觴大噓命門人員擇載筆畱詩三章怡然而逝年七十一

鳳鑣案元史作七十賜諡文憲奐博覽強記真積力久猶恐不及作

文務去陳言以蹈襲為恥一時諸老皆折行輩與之交關

中自號稱多士一時多俱未有出其右者不治家人生產業而喜周人之急難力不贍猶勉為之人有片善則委曲其稱獎惟恐其名不聞或小過失必盡言勸之不計其怨怒也初翰林學士姚燧早孤育於世父樞樞督教急甚燧馳書止之曰燧令器也長自有分鳳鑪案元史作成何以急為乃以子妻之燧後為名儒其學得於奩者為多元好問撰神道碑稱為關西夫子江漢趙復序其集稱其志其學粹然一出於正即其文可以得其為人其見重如此所著有還山齋後集百卷天鳳鑪案元史作大誤興近鑑三卷韓子十卷概言二十五篇硯纂八卷北見記三卷正統書六十卷元史有傳

宋規字漢臣長安人與楊子陽及遺山鹿菴九山數儒論道洛西弟子受業者甚眾親歿廬墓瑞草生瑩閣復嘗稱

之曰天性至孝德重三秦才瞻而敏冠絕一時中統戊戌徵試中論賦兩科拜議事官先是吏縱肆日久而數侵苦小民規繩之以法惕然皆不敢犯丙辰春詣闕陳便宜數事上悉嘉納廉希憲云宋規循良可與共事希憲相知公有經濟才議欲為列有嫉其文章名世者沮之署為講議官不就後徵為耀州尹官至蜀道憲副政警所在著聞繼號鑑山先生有鑑山補暇集梓行於世年七十七卒岐裕齋解州人逸其名大元御世隱居不仕以學行名於時人稱為裕齋先生云嘗於所居西南建孔顏曾燕居堂及學歲時率鄉人修祀事習禮儀敘鄉飲少長之節教樹畜敦行詣鄉人翕然臻嚮孫祖訓以賢良方正舉歷官右都御史見山西通志

王結字儀伯易州定興人少聰穎讀書數行俱下從太史

董樸受經深於理學故摛之事業見之文章皆有所本累官翰林學士中書左丞卒封太原郡公諡文忠結立言制行皆法古人故相張珪曰王結非聖賢之書不讀非仁義之言不談時以爲名言所著有易說及文集十五卷其易說吳澄讀而善之元史有傳

王恂字敬甫中山唐縣人父良金末爲中山府掾尋棄去潛心伊洛之書恂性穎悟篤性理學太保劉秉忠見而奇之世祖時以秉忠薦爲太子贊善恂早以數學名太子嘗問焉恂曰算數六藝之一定國家安人民乃大事也每侍講讀必發明三綱五常之旨修身平治之道太子問守心之道恂曰嘗聞許衡言人心有印板板不差雖摹千萬紙皆不差板既差矣摹之於紙無不差者故要在正心太子深然之恂以正道經術輔相太子以師道自任由是貴戚

多慕文學矣恂遷國子祭酒先是衡病歸秉忠等言若以太子贊善王恂主國學庶幾衡之規摹不致墜從之既又詔恂與楊恭懿及衡等定麻居父喪過哀毀卒諡文肅子寬賓竝從衡游元史有傳

杜瑛字文玉霸州信安人父時昇金末避地嵩洛山中究心伊洛之學瑛亦隱緱氏山中搜訪諸書盡讀之究其旨趣元初教授汾晉間因家焉開府勗赫珪遺良田千畝辭不受望氣者言所居下有黃金家人欲發視輒止之後來居者果得金百斤其不苟取如此屢徵聘不就人勸之仕瑛太息曰世去古雖遠而先王設施本末先後猶具可破見苟仍舊習以滋世弊吾不能今隨時俛仰以赴功名吾不願也杜門著書竟不仕以終贈魏郡公諡文獻所著有地理原委十卷語孟荀通八卷皇極引用八卷皇極疑事

元儒五略卷一  
四卷極學十卷律呂律麻禮樂十卷雜誌二十卷文集十卷元史入隱逸傳

胡長孺字汲仲婺州永康人祖巖起父居仁俱宋進士俱以文學政事知名至長孺其學益大振九經諸史下逮百氏無不包羅而揆序之咸淳中外舅徐道隆官荆湖四川長孺從之入蜀銓試弟一名授迪功郎監重慶酒務與高彭李湜梅應春等號南州八士歷福寧州倅會宋亾退棲永康山中元世祖至元間下詔求賢有司勸起至京拜集賢修撰與宰相議不合改教授揚州移建昌轉甯海主簿延祐初轉兩浙鹽運使司丞未上以病辭隱杭之虎林山以終長孺初師青田余學古學古師邑人王夢松夢松受學朱門葉味道長孺淵源既正復行游四方訪求其旨趣益信涵養用敬爲最切默存靜觀超然自得故其爲人光

明宏偉專務明本心之學慨然以孟子自許惟恐斯道之失其傳誘引不倦一時學者爭慕之方嶽大臣與郡二千石聘致說經環聽者數百人嘗言人雖至靈與物同體初無二本此學之大原聽者躍然興起海內求其詞章如購拱璧非其人雖一金易一字不與鄉闈取士屢司文衡文風一變年七十五卒所著有瓦缶編南昌集寧海漫鈔顏樂齋彙行世其從兄之綱之紀俱有間人稱之爲三胡云元史入儒學傳

宋思約字□□山西屯留人學問宏博涵養純粹恥於仕進私淑聖道當時學者敬宗之建麗澤書院以爲講學之所設先聖諸賢廟廡每春秋朔望率其諸徒行釋奠禮俱以常正爲業國朝正德六年入祀鄉賢提學閔煦祀破云學問宏深不干祿位傳名聖道後學宗之山西屯留志

元儒攷略卷一終

順德龍鳳鑣校采

元儒攷略卷二

明馮從吾撰

劉因字夢吉初名駟字夢驥保定容城人父述邃於性理之學元中統初官左三部尚書因天資絕人日記千百言弱冠閱古方冊思得如古人者友之作希聖解見志國子司業研彌堅教授真定因從之游初為經學究訓詁釋疏之說輒嘆曰聖人精義殆不止此得周程張邵朱呂之書一見即曰我固謂當必有是也及評其學之所長曰邵至大也周至精也程至正也朱子極其大盡其精而貫之以正也至元中以薦徵至京擢右贊善大夫教國子未幾以母老辭歸俸給一無所受後徵為集賢學士以疾固辭不至帝聞之嘆曰古有不召之臣其斯人之徒歟遂不强致之因性不苟合不妄交家雖甚貧非義一介不取故隱居



教授師道尊嚴弟子造其門者隨材器教之皆有成就嘗  
愛武侯靜以修身之語表所居曰靜修學者稱爲靜修先  
生閒游郎山雷谿又自號雷谿真隱卒年四十五歲無子  
延祐中贈翰林學士追封容城郡公諡曰文靖所著有四  
書精要丁亥集小學四書語錄易繫辭說等書真定蘇天  
爵表其墓歐陽玄贊云微點之狂而有沂上風雩之樂資  
由之勇而無北鄙鼓瑟之聲于裕皇之仁而見不可留之  
四皓以世祖之略而遇不能致之兩生嗚呼麒麟鳳凰固  
宇內之不常有也然而一鳴而六典作一出而春秋成則  
其志不欲遺世而獨往也明矣亦將從周公孔子之後爲  
往聖繼絕學爲來世開太平者耶論者以爲名言元史有  
傳

林起宗字□□內邱人自幼力學嘗從劉因游深得道學

淵源二圖及大學論語孟子中庸圖孝經圖解小學題詞  
發明等書魯菴家說等書

安熙字敬仲號默菴藁城人祖滔號石峰父松號恕齋皆  
以學行淑其鄉人熙既承其家學及間保定劉因之學心  
向慕焉熙家與因所居相去數百里遠因亦間熙力於爲  
己之學深許與之熙方將造其門而因已歿乃從因門人  
烏叔備問其諸鳳鏹案元史作緒說蓋因爲人高明堅勇其勇莫

過熙則簡靜和易襟韻敞夷其學以下達爲功上達爲極  
慎獨爲要其封龍書院釋菜文略曰追憶舊聞卒究再業  
灑埽應對謹行信言餘力學文窮理盡性循循有序發軔  
聖途以存諸心以行諸己以及於物以化於鄉或冀有成  
不悖於道其慎獨箴曰可尊者德可畏者天無處不有無  
時不然念慮之發必有其機勿隱其隱勿微乎微從事於

斯是日慎獨自此精之萬物竝育毫髮有閒天理弗存利欲紛拏厥心則昏於乎戒哉敬作此箴書諸座隅以警其心其用功平實切密可謂善學朱氏者熙遭時承平不屑仕進家居授徒垂數十年四方來學者多所成就既歿鄉人李士興輩為立祠於藁城之西筦鎮祖涓父松咸有位焉歐陽玄作記門人蘇天爵為輯其遺文而虞集序之曰使靜修得親炙朱子以極其變化充擴之妙則所以發揮斯文者當不止是使敬仲得見靜修廓之以高明厲之以奮發則劉氏之學不既昌大於時已乎惜乎靜修既不見朱子敬仲又不獲親於靜修二君子者皆未中壽而卒豈非天乎所著有默菴文集續皇極經世等書歐陽玄贊曰寤寐乎明善誠身之書步趨乎格物致知之學關西三鱣未必榮於教授之四世荀氏八龍奚以過於伯仲之一壑

豈非白茅重而忠信著玄酒醇而嗜欲薄者乎鍾期伯牙有同世而不相遇吾故於默菴之神交而益以重容城之先覺也元史入儒學傳

楊恭懿字元甫號潛齋高陵人鳳鑣案元史作奉元人天德之子自

少讀書強記日數千言會時艱從親逃亂而東於汴於歸德於天平雖閒關險阻未嘗怠弛其業年十七侍父西歸假室以居鄉鄰或繼其匱皆謝不取惟服勞以為養暇則力學博綜於書無不究心而尤邃於易禮春秋思欲纂述恥為章句儒而立志於用世反覆史學以監觀古咎與亡之事從學者已眾海內搢紳與父友者馳書交譽即以宗盟斯文期之年二十四始得朱子四書集注大學圖小學近思錄諸書讀之喜而嘆曰人倫日用之常天道性命之妙皆萃此書今人德有其門進退有其途矣何獨不可及

再修踵武者哉於是窮經反躬一乎持敬優游厭飫俟其  
成功於潛齋之下自任益重再習盡變不事浮末矣赫然  
名動一時宣撫司行省以掌書記共議事辟之皆不就至  
元七年與許衡同被召恭懿不至衡由國子監祭酒拜中  
書左丞日於右丞相安圖時稱其賢德丞相以間十年帝  
遣協律郎申敬來召以疾辭十一年太子下教中書俾知  
漢惠聘四皓故事再稱之丞相遣郎中張先智爲書致命  
不得已乃至京師帝遣國王和圖勞其遠來既入見帝詢  
其鄉里族氏師承子姓無不周悉詔與學士圖克坦履定  
科舉之法恭懿議曰三代以德行六藝賓興賢能漢舉孝  
廉兼策經術魏晉尚文辭而經術猶未之遺隋煬始專賦  
詩唐因之使自投牒科舉之法遂息雖有明經止於記誦  
宋神宗始試經義亦合典矣哲宗復賦詩遼金循習將揀

斯弊惟如明詔嘗曰士不治經學孔孟之道日爲賦詩空  
文斯言足立萬世治安之本今欲取士宜敕有司舉有行  
檢通經史之士使無投牒自薦試以五經四書大小義史  
論時務策上既從事實學則士風還淳民俗趨厚國家得  
識治之才矣奏入帝善之會北征辭歸十六年詔安西王  
相敦遣赴闕詔與太史王恂等改<sub>麻</sub>明年<sub>麻</sub>成授集賢館  
學士兼太史院事辭歸當<sub>麻</sub>成進奏日諸臣方列跪帝命  
恭懿及許衡起日二老自安是年少皆受學汝者故終奏  
皆坐畢其說蓋異禮也二十年以太子賓客召二十二年  
以昭文館大學士領太史院事召二十九年以議中書省  
事召皆辭疾不行三十一年卒年七十先是魯齋提京兆  
學與恭懿爲友一遇講貫動窮日力篤信好學操履不苟  
魯齋亟稱之文歿水漿不入口者五日喪事遵朱文公家

禮盡祛桑門惑世之法爲具不足稱貸益之魯齋會葬歸語學者曰小子識之曠世墮典士夫特立而獨行之其功可當肇修文極聚居六年衡東歸後治母喪一如父三輔士大夫知由禮制自致其親者皆本之恭懿云蕭惟斗斟誌其墓曰朱文公集周程朱子之大成其學盛於江左北方之士聞而知者固有其人求能究聖賢精微之蘊篤志於學真知實踐主乎敬義表裏一致以躬行心得之餘私淑諸人繼壽修而開後覺粹然一出乎正者維司徒暨公司徒謂魯齋也學士姚燧撰神道碑銘曰維天生賢匪使自有俾極蒸民爲責已厚公於明命實肩實負乾乾其行艱艱其守師古喪祭如禮不苟三綱之倫我條自剖推得其類無倦誨誘學者宗之西土山斗皇慶中贈榮祿大夫太子少保弘農郡公諡文康所著有潛齋遺藁若干卷子

寅字敬伯博通六經百氏累官集賢學士國子祭酒在成均講明晦誘終日忘勸有父風元史有傳

蕭斟字惟斗號勤齋奉元人天性至孝自幼翹楚不凡長爲府史語當道不合卽引退讀書終南山力學不求仕進製一革衣由身半以下及臥輒倚其榻玩誦不少置於是博極羣書凡天文地理律曆算數靡不研究侯均謂元有天下百年惟蕭惟斗爲識字人學者及門受業者甚眾鄉里孚化稱之曰蕭先生鄉人有自城暮歸者途遇寇詭曰我蕭先生也寇驚愕釋去嘗出遇一婦人失金釵道有疑斟拾之謂曰殊無他人獨公居後巨斟合隨至門取家釵以償其婦後得所遺釵媿謝之世祖初分藩在秦用平章咸凝王額森薦徵侍藩邸以疾辭鳳鑣案元史蕭斟傳世祖初分藩在秦辟斟與楊恭懿韓擇侍秦邸斟以疾辭授陝西儒學提舉不赴省憲大臣卽其家

具宴為賀遣一從吏鳳鑣案元史作史先往軒方灌園從吏不知其為  
 軒也使飲其馬即應之不拒及冠帶迎客從吏見有懼色軒殊  
 不為意後累授集賢直學士國子司業改集賢侍讀學士  
 皆不赴武宗初徵拜太子右諭德不得已扶病至京師入  
 覲東宮書酒誥為獻以朝廷時尚酒故也尋以病請去或  
 問其故則曰在禮東宮東面師傅西面此禮今可行乎俄  
 除集賢學士國子祭酒諭德如故固辭歸年八十八鳳鑣案元史作七十八以壽終於家諡貞敬劉致諡議略云聖王之治天  
 下也必有所不召之臣蓋志意修則輕富貴道義高則輕  
 王公蟬蛻塵埃之中翱遊萬物之表不事王侯高尚其志  
 者以之傳曰舉逸民天下之民歸心焉故必蒲車旌帛側  
 席以俟其至冀以勵俗興化猶或長往而不返亦有既至  
 而不屈則束帛粲粲賁於邱園者治天下者以之也吾於

元得二人焉曰容城劉因曰京兆蕭軒士君子之趣向不  
 同期各得其所志而已彼不求人知而人知之不希世用  
 而世用之至上徹帝聰鶴書天出薜蘿動色巖戶騰輝猶  
 堅臥不起不得已也始一至牽不撓其節不隳所守而去  
 亦可謂得所志也已方之於古則嚴光周郈之流亞歟雖  
 其道不周於用而廉頑立懦勵俗興化之功亦已多矣且  
 其累徵不起暫出而即歸不既貞乎以勤自居其好古好  
 學之心不既敬乎案諡法清白守節曰貞好古不怠曰敬  
 請諡曰貞敬詔從之軒制行甚高真履實踐其教人必自  
 小學始為文立意精深言近指遠一以洙泗為本濂洛考  
 亭為據關輔之士翕然宗之稱為一代醇儒門人涇陽弟  
 五居仁平定呂思誠南陽富珠哩紳為最著所著有三禮  
 說小學標題駁論九州志及勤齋文集行世元史入儒學

傳

呂思誠字仲實山西平定州人母夢文昌星寤而生思誠常從蕭輿學泰定中舉進士翰林編修累官禮刑二部尙書總裁宋遼金三史卒年六十五諡忠肅思誠氣宇凝定素以勁拔聞不爲勢利所屈三爲祭酒一法許衡之舊諸生從化後多爲名士嘗病古注疏太繁魏了翁刪之太簡將約其中以成書不果有文集若干卷兩漢通紀若干卷元史有傳

同恕字寬甫號架菴奉元人

鳳鑣案元史其先太原人

祖昇父繼先博

學能文廉希憲宣撫陝右辟掌庫鑰家世業儒同居二百口無間言恕安靜端凝辨如成人從鄉先生學日記數千言年十二以書經魁鄉校至元間朝廷始分六部選名士爲吏屬關陝以恕貢禮曹辭不行仁宗初卽其家拜國

子司業階儒林郎三召不起陝西行臺侍御史趙世延請卽奉元置魯齋書院中書奏恕領教事制可之先後來學者殆千數延祐設科再主鄉試人服其公六年以奉議大夫太子左贊善召入見東宮賜酒慰問繼而獻書歷陳古諛盡開悟涵養之道明年春英宗繼統以疾歸致和元年拜集賢侍讀學士以老疾辭恕之學由程朱上溯孔孟務貫浹事理以利於行教人曲爲開導使得趨向之正性整潔平居雖大暑不去冠帶母張卒事繼母如事所生父喪哀毀致目疾時祀齋肅詳至嘗曰養生有不備事猶可復追遠有不誠是誣神也可追學乎與人交雖外無適莫而中有繩尺里人僭驟而歿償其直不受日物之數也何以償爲家無擔石之儲聚書萬餘卷扁所居曰架菴時蕭先生齋居南山下亦以道高當世入城府必主恕家士論竝

稱曰蕭同自京師還家居十有三年中外搢紳望之若景星麟鳳鄉里稱爲先生而不姓至順二年卒年七十八贈翰林直學士封京兆郡侯諡文貞所著有架菴集二十卷元史入儒學傳

韓擇字從善奉元人天資超異信道不惑其教學者雖中歲以後亦必自小學等書始或疑爲凌節勤苦則曰人不知學白首童心且童業所當知而皓首不知可乎尤邃禮學有質問者口講指畫無倦容士大夫游宦過秦必往見擇莫不虛往而實歸焉世祖嘗召之疾不果行其卒也門人爲服緦麻者百餘人元史入儒學傳

侯均字伯仁蒲城人

鳳鑣案元史均奉元人

父母蚤亡獨與繼母居

賣薪以給奉養積學四十年羣經百氏無不淹貫每讀書必輒讀乃已嘗言讀書不至千遍終於已無益故其答諸

生所問窮索極探如取諸篋笥名震關中學者宗之用薦者起爲太常博士後以上疏忤時相意卽歸休田里均貌魁梧而氣剛正人多嚴憚之及其應接之際則和易款洽雖方言古語世所未曉者莫不隨問而答世咸服其博聞云今祀蒲城鄉賢祠元史入儒學傳

弟五居仁字士安涇陽人初師蕭惟斗齟弱冠從同寬甫恕受學博通經史躬率子弟致力農畝而學徒滿門其宏度雅量能容人所不能容嘗行田間遇有竊其桑者居仁輒避之鄉里高其行義率多化服作字必楷整游其門者不惟學明而行加修焉卒之日門人相與議易名之禮私諡曰靜安先生元史入儒學傳

傅定休字□□晉江人六歲通大學事親至孝大德初用薦爲漳州學正首以太極圖西銘講說聽者悅服號古直

先生見一統志

胡炳文字仲虎婺源人元初爲信州書院山長再調蘭谿州學正炳文以易名家作易本義通釋而於朱子所著四書用力尤深餘于饒魯之學本出於朱子而其爲說多與朱牴牾炳文深正其非作四書通凡辭異而理同者合而一之辭同而旨異者析而辯之往往發其未盡之蘊其所著又有易春秋集解禮書纂述大學指掌圖四書辨疑五經會義爾雅韻語雲峰筆記等書東南學者因其所自號稱雲峰先生卒諡文通元史入儒學傳

董朴字太初順德人自幼強記比冠師事樂舜咨劉道濟幡然有求道之志至元十六年用提刑案察使薦起家爲陝西知法官未幾以親老歸養尋召爲太史院主事復辭不赴皇慶初朴年已踰八十詔以翰林修撰致仕延祐三

年無疾而卒年八十有五朴所爲學自六經及孔孟微言與凡先儒所以開端闡幽者莫不研極其旨而會通之故其心所自得往往有融貫之妙其事親孝與人交智愚貴賤一待以誠或有犯之者夷然不與之校中山王結曰朴之學造詣既深充養交至其爲人清而通和而介君子人也朴家近龍岡學者因稱之曰龍岡先生云元史入儒學傳

張鑾字達善其先蜀之導江人僑寓江左金華王柏得朱熹三傳之學嘗講道台之上蔡書院鑾從而受業焉自六經語孟注以及周程張氏微言朱子所嘗論定者靡不潛心玩索究極根柢用功既專久而不懈所學益深宏微密南北之士鮮能及之至元中行臺中丞吳曼慶延致江寧學宮俾子弟受業中州士大夫欲淑子弟以朱子四書者



皆遣從嚮遊其在維揚來學者九眾遠近翕然稱曰導江先生大臣薦諸朝特命為孔顏孟三氏教授鄒魯之人服誦遺訓久而不忘嚮氣宇端重音吐洪亮講說特精詳子弟從之者誥誥如也其知名者甚多馬祖常孔思晦夾谷之奇鳳鑣案元史儒學傳作瓜爾佳之奇楊剛中九顯嚮無子有經說及文集行世吳澄序其書以為議論正援據博貫穿縱橫儼然新安朱氏之尸祝也至正中真州守臣以嚮及郝經吳澄皆嘗留儀真作祠祀之曰三賢祠元史入儒學傳

富珠哩鳳鑣案元史富珠哩原作字允魯字子翬其先隆安人金泰和間定女直姓氏屬望廣平祖德從憲宗南征因家鄧之順陽父居謙初謙辟之掾江西以家隨生翬贛江舟中釜鳴者三人以為異翬稍長即勤學父沒家事漸落而為學益力乃自順陽復往江西從新喻蕭克翁學克翁居不仕學行為州

里所敬嘗夜而夢大鳥至其所居冲天而去明日翬至翬始名思溫字伯和克翁為易今名字以夢故後復從京兆蕭澗游其學益宏以肆翰林學士承旨姚燧以書抵澗曰燧見人多矣學問文章無足與子翬比倫者於是澗以女妻之大德末以薦為襄陽儒學教諭文宗時為集賢直學士國子祭酒時上以西僧為帝師至京有旨朝臣一品以下咸郊迎大臣俯伏進觴帝師不為動惟翬舉觴立進曰帝師釋迦之徒天下僧人師也余孔子之徒天下儒人師也請各不為禮帝師笑而起舉觴卒飲眾為之慄然元統初以江浙行省參知政事告歸尋召為翰林侍讀學士以疾不至卒封南陽郡公諡文靖翬狀貌魁梧不妄言笑其為學一本於性命道德文章簡奧典雅天下學者仰為表儀居國學久論者謂自許衡後能以師道自任者惟耶律

元信五冊卷二  
有尚及翀而已有文集行世子遠字明道用翀陰令襄陽以義歿賊妻雷亦從歿元史有傳

孫轍字履常臨川人幼孤母蔡親教之卽警策自勵比長學行純篤事父孝家居教授庭外蕭然而致德問業者無虛晷與人言以孝悌忠信爲本辭溫氣和聞者皆油油乎其有感也待親戚鄰里禮意周洽未嘗記人過部使者若郡縣長吏仁賢者畢慕造焉監司屢辟皆不就吳澄敘其文以爲仁義之人其言藹如也時同郡吳定翁字仲谷清修文雅與轍齊名而善於詩居恒言士無求用於世惟求無媿於世人以爲名言辟薦相望竟不仕以歿元史入隱逸傳

龍仁夫字觀復永新人傳究經史以道自任仕元爲湖廣儒學提舉晚年僑居黃州著周易集傳十八卷多發舟儒

之所未發其他文尤奇逸流麗學者稱麟川先生元史入儒學傳

吳仲迂字□□浮梁人號可堂博學明經隱居著書有四書語錄經傳發明春秋紀間數十卷

牟應龍字伯成其先蜀人後徙居吳興祖子才仕宋贈光祿大夫謚清忠父嘯爲大理少卿應龍當以世賞補京官盡讓諸從弟而擢咸淳進士第時賈似道當國自擬伊周謂馬廷鸞曰君故與清忠游其孫卒見之當處以高第應龍拒之不見及對策具言上下內外之情不通國勢危急之狀考官不敢寘上第調光州定城尉應龍曰管吾祖對策以直言忤史彌遠得洪雅尉今固當無媿也沿海制置司辟爲屬以疾辭不仕而宋亡矣故相畱夢炎事世祖爲吏部尚書以書招之曰苟至翰林可得也應龍不荅已而

家益貧稍起家教授溧陽州晚以上元縣主簿致仕初宋  
亾時大理卿已退不任事一門父子自爲師友討論經學  
以義理相切磨於諸經皆有成說惟五經音攷盛行於世  
以文章大家稱於東南學者因應龍所號稱之曰隆山先  
生泰定元年卒年七十八虞集志其墓元史入儒學傳  
陸文圭字子方江陰人幼而穎悟讀書過目成誦終身不  
忘博通經史百家及天文地理律厯醫藥算數之學宋咸  
淳初文圭年十八以春秋中鄉選宋亾隱居城東學者稱  
之曰壻東先生延祐設科有司強之就試凡一再中鄉舉  
文圭爲文融會經傳縱橫變化莫測其涯際東南學者皆  
宗師之朝廷數遣使馳幣聘之以老疾不果行卒年八十  
五文圭爲人光明超邁以奇氣自負有壻東類稿二十卷  
元史入儒學傳

梁益字友直江陰人博洽經史而工於文辭其教人以變  
化氣質爲先務學者不遠千里從之浙以西稱學術醇正  
爲世師表者陸文圭與益而已所著有三山稟詩緒餘數  
卷史傳姓氏纂又有詩傳彙通發揮朱熹氏之學爲精年  
五十六卒元史入儒學傳

熊凱字□□南昌人精義理之學以明經開塾四十餘年  
時稱遙谿先生子東造詣尤高遠從遊者益眾同邑熊自  
輔受學於凱善屬文所著有易傳集疏風雅遺音小學入  
門等書

瞻思鳳鑣案元史作舒蘇字得之其先大奄國人國旣內附大父魯

坤鳳鑣案元史作庫太宗時官眞定因家焉瞻思少穎異弱冠從

翰林承旨王思廉游博極羣書汪洋茂衍見諸踐履皆篤  
實之學延祐初以科舉取士人勸其就試笑而不應泰定

初以薦徵遺逸見帝於上都時答拉斯柄國人多附之瞻  
思獨不往見卽以養親辭歸天廡初召爲翰林應奉文字  
進所著帝王心法上稱善預修經世大典以議論不合求  
去上諭雷之堅以母老辭至元初拜陝西行臺御史有直  
聲改浙東廉訪僉事尋以病免後屢召皆不起卒封恒山  
郡侯謚文孝瞻思邃於禮於易尤深至於天文地理鐘律  
算數劄及外國之書皆究極之家貧饘粥不繼其攷訂經  
傳常自樂也所著有四書闕疑五經思問奇偶陰陽消長  
圖及文集等書其餘著述亦多駁雜元史入儒學傳

巴延一名師聖字宗道哈喇嚕

鳳鑣案元史作雙

氏隸軍籍蒙古

萬戶府世居開州濮陽縣巴延生三歲嘗以指畫地若爲  
卦者六歲從里儒授書卽成誦早孤其兄買經傳以資之  
日夜誦讀不輟稍長從宋進士建安黃坦學坦大奇之因

命以顏

鳳鑣案元史作已延

爲氏且名而字之焉久之坦辭曰余不

能爲爾師羣經有朱子說具在歸而求之可也已延自弱  
卽以斯文爲己任者其於大經大法粲然有覩而心有所  
自得每出意言之表鄉之學者質疑問難咸解其惑於是  
中原之士聞而從游者日益多至正四年以隱士徵授翰  
林待詔預修金史史成辭歸已復起江西廉訪僉事數月  
以病免及還四方來學者至千餘人蓋其學專事講解而  
務真知力踐不肩事舉子詞章必期措諸實用士出其門  
不問知爲巴延氏學者至於異端之徒亦往往有棄其學  
而學焉後遇賊不屈與妻子俱歿贈奉議大夫僉太常禮  
院事謚文節生平修輯六經多所著述皆燬於兵元史入  
儒學傳

元儒破略卷二終

順德龍鳳鑣校栞

元儒破略卷三

明馮從吾撰

吳澄字幼清撫州崇仁人自幼穎悟九歲從羣子弟試鄉校每中并列既長於經傳皆習通之知用力聖賢之學宋末舉進士不第入山著書元世祖時侍御史程鉅夫奉詔求賢江南起澄至京師未幾以母老辭歸鉅夫請置澄所著書於國子監以資學者朝廷命有司卽其家錄上元貞初游龍興案察經歷郝文迎至郡學日聽講論錄其問荅凡數千言行省掾元明善以文學自負嘗問澄易詩書春秋奧義歎曰與吳先生言如探淵海遂執弟子禮事之左丞董士選延之家親執饋食曰吳先生天下士也既入朝薦澄有道擢應奉翰林文字有司敦勸久之乃赴而代者已至澄卽日南歸未幾除江西儒學副提舉居三月以疾

去至大初召爲國子監丞皇慶初升司業嘗爲學者言朱子於道問學之功居多而陸子靜以尊德性爲主問學不本於德性則其敝必偏於言語訓釋故學以尊德性爲本議者遂以澄爲陸氏之學澄一夕謝去諸生有不調告從之南者俄拜集賢直學士俾乘驛至京師次眞州疾作不果行家居四方從學者恒數百人英宗卽位起翰林學士時敕寫金字藏經命澄爲序澄辭不奉詔泰定初爲經筵講官進帝範資治通鑑大學衍義貞觀政要諸書尋謝病歸從學者益眾再徵不起卒於家年八十有五追封臨川郡公諡文正澄身若不勝衣正坐拱手氣融神邁問荅疊疊使人渙若冰釋所居僅草廬數椽程御史題曰草廬學者稱草廬先生所著有易春秋禮記尙書纂言私錄支言等書又著學基學統二篇使人知學之本與爲學之序云

元史有傳

陳微字□□其先閩州人宋陳堯叟十三世孫徙家南康受學撫州吳澄研精經史攷覈百氏元時累薦弗就游吳遂家焉子惟寅惟允皆博學善詩文見一統志

武恪字伯威宣德人初以神童游學江南師事吳澄澄爲奇之薦入國學肄業明宗在潛邸選恪爲說書秀才及出鎮雲南恪在行明宗欲起兵陝西恪諫曰太子北於國爲君命於家爲叔父命何可違也南河渠非福若向京師發一矢史家必書反不可悔矣左右惡恪言曰武秀才母在京合遣歸恪遂還京師所居陋巷教訓子弟文宗知其名除祕書監典簿秩滿丁內艱再除中瑞司典簿改汾西縣尹皆不起人或勸之仕恪曰向爲親屈今親已終不復仕矣台哈布哈薦爲沁水尹近臣又薦爲授經郎皆不就

元儒列傳卷三  
三  
好讀周易每日堅坐或問先生之學以何為本恪曰以敬為本所著有水雲集元史入隱逸傳

韓性字明善紹興人其先家安陽宋名相琦其八世祖也

高祖左司郎中膺胄扈從南渡家於越性博綜羣籍而於

儒先性理之學尤深造其闡城為文自成一家四方學者

受業其門戶外之履鳳鑣案元史作履至無容延祐初詔以科舉

取士學者多以文法為請性語之曰今之貢舉悉本朱熹

私議為制舉之文不知朱氏之學可乎四書六經千載不

傳之學自程氏至朱氏發明無餘蘊矣願行如何自有德

者必有言施之場屋直其末事豈有他法哉士有一善必

為之延譽不已及辨析是非則毅然有不可犯之色性出

無輿馬僕御所過負者息肩行者讓道巷夫街叟至於童

穉廝役咸稱之曰韓先生韓先生云憲府嘗舉為教官謝

曰幸有先人之敝廬可庇風雨薄田可具饘粥讀書砥行無媿古人足矣祿仕非所願也後薦章屢上竟居不仕以歿時年七十有六賜諡莊節先生所著有禮記說詩音釋書辨疑郡志文集行世元史入儒學傳

元明善字復初大名清河人資穎悟絕出讀書過目輒記

諸經皆有師法而尤深於春秋弱冠游吳川浙東使者薦

為安豐建康兩學正歷行掾省仁宗在東宮首擢為太子

文學及即位改翰林待制升翰林直學士詔節尚書經文譯

之以進每奏一篇帝必稱善曰二帝三王之道非卿莫間

也為禮部尚書正孔氏宗法以宣聖五十四世孫思晦奏

襲封衍聖公拜湖廣行省參知政事復入為翰林學士眷

遇之隆當時莫並卒諡文敏明善蚤以文章自豪後從吳

澄問經傳奧義歎曰與吳先生言如探淵海遂執弟子禮

師事之幡然有志於學又與虞集相切劘故晚益精詣所著有文集行世元史有傳

蕭漢中字景元泰和人泰定中撰讀易攷原發文王序卦之旨爲圖分上下經之次其義躍然

陳櫟字壽翁徽之休寧人櫟生三歲祖母吳氏口授孝經論語輒成誦五歲入小學卽涉獵經史通進士業七歲十五鄉人皆師之宋亾科舉廢櫟慨然發憤致力於聖人之學涵濡玩索貫穿古今嘗以爲有功於聖門者莫若朱熹氏熹歿未久而諸家之說往往亂其本眞乃著四書發明書傳纂疏禮記集儀等書亾慮數十萬言凡諸儒之說有畔於朱氏者刊而去之其微辭隱義則引而伸之而其所未備者復爲說以補其闕於是朱熹之說大明於世延祐初詔以科舉取士櫟不欲就試有司疆之試鄉闈中選遂

不復赴禮部教授於家不出門戶者數十年性孝友尤剛正日用之間動中禮法與人交不以勢合不以利遷善誘學者諄諄不倦臨川吳澄嘗稱有功於朱氏者爲多凡江東人來受業於澄者盡遣而歸櫟櫟所居堂曰定宇學者因以定宇先生稱之元統二年卒年八十三揭傒斯誌其墓乃與吳澄並稱曰澄居通都大邑又數登用於朝天下學者四面而歸之故其道遠而章尊而明櫟居萬山間與木石俱而足跡未嘗出鄉里故其學必待其書之行天下乃能知之及其行也亦莫之禦是可謂豪傑之士矣世以爲知言元史入儒學傳

程端禮字敬叔鄞縣人幼穎悟純篤年十五能誦六經曉析大義慶元自宋季皆尊尙陸九淵氏學而於朱熹氏學不行於當世端禮獨從史蒙卿游以傳朱氏明體適用之



元信野明卷三  
四  
指學者及門甚眾所著有文集及讀書日程國子監以頒  
示郡邑教官爲學者式仕爲衢州路儒學教授弟端學字  
時叔通春秋至治中進士仕爲國子助教動有師法剛嚴  
方正學者嚴憚之所著有春秋本義三傳辨疑春秋或問  
元史入儒學傳

金履祥字吉甫蘭谿人幼而敏睿父兄授之書卽能記誦  
比長益自策勵於書靡不畢究及壯知向濂洛之學事同  
郡王柏從登何基之門二人蓋得朱熹之傳者自是講貫  
益密造詣益邃德祐初以迪功郎史館編校召時宋之國  
事已不可爲履祥辭弗就宋亡遂絕意進取屏居金華山  
中兵燹稍息則上下巖谷追逐雲月寄情嘯咏視世故泊  
如也平居獨處終日儼然至與物接則盎然和懌訓迪後  
學諄諄無勅尤篤於分義何基王柏之喪履祥率同門之

士以義制服觀者始知師弟子之繫於倫常也有故人子  
坐事母子分配爲隸不相知者十年履祥傾貲營購卒贖  
以完其子後貴履祥終不自言嘗以劉恕外紀記司馬氏  
通鑑考編又著尚書表注四書攷證表註論者謂多所自  
得視蔡傳加精攷證門人許謙上之朝命刊行謙序之略  
曰聖賢之心盡在四書而四書之義備於朱子願其立言  
辭約意廣讀者咸得麤而不得悉究其義也或以一偏之  
致自異而初不知未離其範圍世之詆毀質亂務爲新奇  
者其弊正在此耳金先生攷證之所由作也初履祥旣見  
王柏首問爲學之方柏告以必先立志且舉先儒之言居  
敬以持其志立志以定其本志立乎事物之表敬行乎事  
物之內此爲學之大防也及見何基基謂之日會之屢言  
賢者之賢理欲之分便當自今始當時以爲基之清介純

實似尹和靖柏之高明剛正似謝上蔡履祥則親得之二氏而並充於己者也居仁山之下學者稱仁山先生大德中奉元統初里人吳師道爲國子博士移書學官祠於鄉學至正中諡文安元史入儒學傳

吳師道字正傳蘭谿人自羈舛知學卽善記覽工詞章詩歌弱冠因讀宋儒真德秀遺書乃幡然有志於爲己之學師事金履祥刮磨淬礪日長月益復以持敬致和之說質於許謙謙復之以理一分殊之旨由是心志益廣造詣

案元史

益深大抵務在發揮義理以闢異端爲先務登至

治元年進士歷國子博士其爲教一本朱熹之旨而遵許衡之成法六館諸生人人自以爲得師丁內艱歸以禮部郎中致仕所著有易詩書雜說春秋胡傳附辨戰國策校注敬鄉錄及文集二十卷師道同郡又有王餘慶字叔善

仕爲江南行臺監察御史亦以儒學名重當時元史入儒學傳

許謙字益之金華人生數歲而孤稍長肆力於學雖疾恙不廢已聞仁山金履祥講道蘭溪上委己而學焉履祥語之曰士之爲學猶五味之在和醯醬既加則酸鹹頓異子來見我三日而猶夫人也豈吾之學無以感發子邪謙聞之惕然履祥嘗告之曰聖人之道中而已矣謙由是事事求夫中者而用之居數年盡得其所傳之奧嘗自謂吾非有大過人惟爲學之功無間斷巨延祐初屏居東陽金華山學者翕然從之尋開門講學遠而幽冀齊魯近則荆揚吳越皆不憚百舍來受業焉其教人盡性以人倫爲本以開明心術變化氣質爲先以爲己爲立心之要以分辨義利爲處事之制至誠諄悉內外殫盡嘗曰己或有知使人

亦知之豈不快哉討論講貫終日不勸惰者作之銳者抑之拘者開之放者約之為學者師垂四十年及門著錄者千餘人隨人材分咸有所得四方之士以不及門為恥搢紳先生至是邦者必即其家存問焉歲大稔謙貌加瘠或問之謙曰令公私置竭道殣相望吾豈能獨飽邪其處心如此中外名臣交章屢薦而郡復以遺逸應詔鄉闈大比請司其文衡皆莫能致至其晚節獨以身任正學之重遠近學者以其身之安否為斯道隆替焉順帝至元三年卒年六十八門人以義制服者若干人嘗以白雲自號世稱為白雲先生賜諡文懿所著有四書叢說書傳叢說詩名物鈔觀史治忽幾微自省編等書謙不矜所為詩文非扶翼經義張維世教則未嘗輕筆之書吳澄謂其議論正大援據精博儼然新安尸祝黃潛謂程子之道得朱子而復

明朱子之大至許公而益尊史稱何基王柏及金履祥殁其學猶未大顯至謙而其道益著故學者推源統緒以為朱熹之世適云元史入儒學傳

王麟字兆祥東平人有志聖賢之學間金華許白華謙講道至順初麟徒步往從之謙作學箴遺之麟佩服之後舉於鄉為昌平教授以所聞啟發學者及謙卒麟為發喪制服遇諱日必齋戒設祭人皆稱為篤信好學君子也子延陵本朝永樂間為翰林檢討

虞集字伯生本蜀之仁壽人宋丞相允文五世孫曾祖剛簡為利州路提刑嘗與魏了翁范仲麟李心傳輩講學蜀東門外得程朱微旨蜀人師尊之祖鳳鑣案元史作珏知連州

以文學知名父假黃岡尉宋亾僑居臨川與吳澄友善家貧教授於鳳鑣案元史作致仕母楊氏祭酒文仲女集三歲即知

讀書宋亡急挈家避兵嶺外干戈中無書可攜楊氏口授語孟左傳歐蘇文比還就外傳始得刻本則已盡通諸經大義矣文仲素以春秋名家而族弟參知政事棟明於性理之學楊氏在室卽盡通其說故集與弟槃皆受業家庭出則以契家子從吳澄游授受具有源委大德初以薦授大都路儒學教授雖以訓迪爲職而益自充廣不少暇佚爲國子助教卽以師道自任諸生待其退挾策趨門下卒業他館生多相率隨請益焉累官翰林學士兼國子祭酒命修經世大典成謝病歸順帝至正八年卒追封仁壽郡公諡文靖集學雖博洽而究極本源研精探微心解神契其經綸之妙一寓諸文其文未嘗苟佞性素孝友與弟槃同闢書舍爲二室左室書淵明詩於壁題曰陶菴右室書堯夫詩題曰邵菴故世稱邵菴先生所著有陶園學古錄

若干卷槃字仲常以進士尹嘉魚方正有學識吳澄極稱之集嘗集方外士叩擊其說集謂聖人之教不明爲學者無所底止苟於吾道異端疑似之間不能深知而欲竊究夫性命之原灰生之故其不折而歸之者寡矣槃不欲間有僧在坐輒不入集亦嚴憚之不卒年不及艾先集卒所著有非非國語行世元史有傳

陳旅字眾仲莆田人幼孤其外大父趙氏學有淵源撫而教之旅得所依惟篤志於學於書無所不讀稍長負笈至溫陵從鄉先生傳古直游聲名日著以薦爲閩海儒學官御史中丞馬祖常見其爲文歎曰此所謂吾老將休付子斯文讀學士虞集見其爲文歎曰此所謂吾老將休付子斯文者卽延至館中朝夕以道義學問相講習自謂得旅之助爲多又力薦除國子助教居三年考滿諸生不忍其去請

於朝再任焉元統二年出為江浙儒學副提舉至元四年入為應奉翰林文字至正元年遷國子監丞又二年奉旅間見賁博為文峻潔高古生平尤篤師友之益每感其友虞集為知己其在江浙時冒暑訪集於臨川集感其來留旬日而別惓惓以斯文相勉集每與學者語必以旅為生平益友云有文集行世元史入儒學傳

劉霖字沛滋安福人少從虞集學博通五經元季寇陷安福乃避地泰和學者以師尊之性耿介所著有四書纂說太極圖解易本義重童子說杜甫詩類注

潘迪字允功元城人博學能文歷官國子司業集賢學士所著有易春秋學庸述解及格物類編六經發明諸書傳於世

張仕堯字□□溫州平陽縣人元時科舉方尊程朱之學

仕堯研精覃思發明四書旨意嘗曰世之治亂由人心之邪正人心之邪正由學術之純疵識者以為名言同邑史伯璿與齊名亦精究四書得朱子之旨所著有四書管豹及外編傳世見一統志

杜本字伯原臨江清江人博學善屬文嘗被召至京師未幾歸隱武夷山中文宗在建康

鳳鏞案元史作江南

時聞其名及即位以幣聘不起以丞相托克托薦賜上尊文幣召為翰林

待制兼國史院編修官使者趣之行至杭州稱疾固辭致書丞相曰吾公能以萬事合為一理以萬民合為一心以千載合為一日以四海合為一家則可言制禮作樂而躋五帝三王之盛矣竟不至本沈靜寡欲無疾言遠色與人交篤於義有貧無以養親力無以學者皆濟之學者稱為清碧先生卒年七十五所著有四經表義六經通編十原

等書時有張樞字子長金華人亦屢徵不起所著有三傳歸一義三十卷刊定三國志六十五卷林下竊議曲江張公年譜各一卷敝帚編若干卷元史入隱逸傳

熊朋來字與可豫章人宋咸淳進士授寶慶僉判未至而宋亡隱處州里間生徒受學者常百數十人取朱子小學書提其要領以示之學者家傳其書幾遍天下豫章爲江西會府與羣賢講論經義無虛日儒者咸依爲重元初以薦爲福建廬陵教授所至破古篆籀文字調律呂協詩歌以興雅樂制器定辭必則古式學者化焉調建安主簿不赴晚以福寧州鳳鑣案元判官致仕四方學者因所自號稱爲天慵先生每燕居鼓瑟而歌以自樂門人歸之者日盛旁近舍皆滿至不能容朋來懇懇爲說經旨老益不倦延祐初詔以進士科取士江浙湖廣皆卑辭致禮請爲主

文朋來屢往應之及對大廷其所選士居天下三之一朋來之學諸經中三禮尤深當世言禮樂者咸宗之至治中英宗始銳意於制禮作樂元明善以朋來爲薦未及召而卒年七十八朋來動止有常喜怒不形於色接賓客人人各自以得其意有家集三十卷虞集誌其墓元史入儒學傳

何中字太虛撫之樂安人少穎拔以古學自任家有藏書萬卷手自校讎其學宏深該博廣平程鉅夫清河元明善柳城姚燧東平王構同郡吳澄揭傒斯皆推服之至順二年江西行省平章全岳柱聘爲龍興郡學師明年六月以疾卒所著有易類象二卷書傳補遺十卷通鑑綱目測海三卷知非堂稟十七卷同郡危復之字見心宋末太學生師事湯漢博覽羣書好讀易尤工於詩至元初元帥郭昂

屢薦爲儒學官不就至元中朝廷累遣奉御察罕及翰林應奉詹玉以幣徵之皆弗起隱於紫霞山中士友私謚曰貞白先生元史入隱逸傳

宇文公諒字子貞其先成都人父挺祖徙吳興今爲吳興人公諒通經史百氏言弱冠有操行嘉興富民延爲子弟師夜將半間有叩門者問之乃一婦人公諒厲聲叱去之翌日卽以他事辭歸終不告以其故至順四年登進士第授婺源州同知丁內艱改餘姚州遷高郵府推官未幾除國子助教日與諸生辨析諸經六館之士資其陶甄者往往出以爲名臣調應奉翰林文字同知制誥兼國史院編修官以病得告後召爲國子監丞除江浙儒學提舉改僉嶺南廉訪司事以疾請老公諒平居雖暗室必正衣冠端坐嘗挾手記一冊識其編首日晝有所爲夜則書之其不

可書卽不敢爲天地鬼神實間斯語其檢飭之嚴如此所著述有折桂集觀光集璧水集以齋詩藁玉堂漫藁越中行藁凡若干卷門人私謚曰純節先生元史入儒學傳黃端節字□□福安人元季不仕嘗輯濂洛關閩諸儒格言爲朱子成書行世

李孝光字季和溫州樂清人少博學篤志復古隱居雁蕩山之五峰下四方之士遠來受學名譽日聞台哈布哈以師事之南行臺監察御史闔辭屢薦居館閣至正七年詔徵隱士以祕書監著作郎召與諤勒哲圖濟爾噶朗董立同應詔赴京師見帝於宣文閣進孝經圖說帝大悅賜上尊以明年升文林郎祕書監丞卒於官年五十三孝光以文章負名當世其文一取法古人而不趨世尙非先秦兩漢語弗以摛辭有文集二十卷元史入儒學傳

陸以衛字□□無錫人明易經溯程朱之源得象外旨趣  
至正中官至翰林待制所著有宋鑑提綱  
王充耘字□□吉水人舉進士同知永新州著書義於式  
行世

元儒攷略卷三終

順德龍鳳鑣校采

元儒攷略卷四

明馮從吾撰

黃澤字楚望蜀之資州人父儀可隨兄驥子宮九江因家  
焉澤生有異資慨然以明經學道爲志尤深研於吾道異  
端之辨好爲苦思作顏淵仰高鑽堅論以自廣蜀人治經  
必先古注疏澤於名物度數攷覈精審而義理一宗程朱  
作易春秋二經解二禮祭祀述略大德中江西行省相臣  
聞其名授江州景星書院山長使會其祿以施教又爲山  
長於洪之東湖書院受學者益眾秩滿卽歸閉門授徒以  
養親不復言仕嘗以爲去聖久遠傳注家率多傳會近世  
儒者又各以才識求之故議論雖多而經旨愈晦積誠而  
研精有所悟入然後可以窺古人之本真乃揭六經中之  
疑義千有餘條以示學者旣乃盡悟失傳之旨又豁然無



元信子明卷四  
不貫通於易謂以明象爲主而其機括盡在十翼作十翼  
舉要於春秋謂以明書法爲主而其大要在破覈三傳作  
三傳義例攷又懼學者得於翔聞不復致思作周易濫觴  
春秋指要示人以求端用力之方於禮謂鄭氏深而未完  
王肅明而實淺作禮復古其辭折諸經要旨詆排百家異  
義作補經作翼經臯言近代覃思之學推澤爲弟一吳澄  
嘗觀其書謂平生所見明經之士未有能及之者謂人曰  
能言距楊墨者聖人之徒也黃楚望眞其人乎其後年老  
家貧歲大祲采木實草根以療飢澤處之晏然終不少降  
惟以聖人之心不明而經學失傳若己有臯爲大咸至正  
六年卒年八十七門人新安趙汭最著元史入儒學傳  
程瑁字君用號悅古涇陽人隱居不仕弱冠卽以古學自  
力討論六籍雖祈寒暑雨造次顛沛未嘗少輟嘗主盟三

原學古書院遠近從學者百餘人循循然樂教不勸嘗戒  
諸子曰人性本善習之易流古聖賢皆以驕惰爲戒況凡  
民乎集家戒一卷以遺子孫著述有遼史三卷異端辨二  
卷雲陽志二卷樂府文集傳於世攷雍大記通志俱載一  
統志闕

周仁榮字本心台州臨海人父敬孫宋太學生師事王柏  
受性理之旨仁榮承其家學又與同郡人孟夢恂從楊珏  
陳天瑞游仁榮治易禮春秋而工爲文章用薦者署處州  
美化書院山長美化在處州萬山中人鮮知學仁榮舉行  
鄉飲酒禮士俗爲變後辟江浙行省掾史省臣皆呼先生  
不以吏遇之泰定初召拜國子博士遷翰林修撰升集賢  
待制奉旨代祀嶽瀆至會稽以疾作不復還朝卒年六十  
有一其所教弟子多爲名人台哈布哈實爲進士弟一其

弟仔肩字本道以春秋登延祐五年進士第終奉議大夫  
 惠州路總管府判官元史入儒學傳  
 孟夢恂字長文黃巖人與周仁榮同師事楊珏陳天瑞夢  
 恂講解經旨體認精切務見行事四方從游者皆服焉部  
 使者薦其行義署台州學錄至正中以設策禦寇擿鄉郡  
 有功授宜興州判官未受命而卒年七十四賜號曰康靖  
 先生所著有性理本旨四書辨疑漢唐會要七政疑解及  
 筆海雜錄五十卷元史入儒學傳  
 黃溥字彥博蒲圻人至正元年鄉舉授慶元路鄞山書院  
 山長性敦朴學知務本言動不苟士子則之見湖廣總志  
 方敏中字仕文巴陵人總角時能屬文年十二遂通詩書  
 及春秋諸經義及聞嶽麓遺教倡於岳陽乃潛心默識求  
 不失其本體為主簿構室書其上曰自明軒從之游者必

教以克己為要云見湖廣總志

揭傒斯字曼碩龍興富州人

江西豐城縣南宋為富州

傒斯父來成宋

鄉貢進士傒斯少貧刻苦讀書父子自為師友學通五經  
 程鉅夫盧摯咸器重之鉅夫因妻以從妹延祐初鉅夫摯  
 列薦於朝授翰林編修文宗時中書每奏用儒臣必問曰  
 其才何如揭曼碩間出所上太平政要策以示臺臣曰此  
 朕授經郎揭曼碩所進其見敬禮如此至正初致仕南還  
 上命丞相托克托諭畱之傒斯曰使某有一得之獻諸公  
 用其言而天下蒙其利雖死於此何恨不然何益之有復  
 詔修經世大典及宋遼金三史丞相問修史以何為本日  
 用人為本有學問文章而不知史事者不可與有學問文  
 章知史事而心術不正者不可與用人之道又當以心術  
 為本累官翰林侍讀學士卒於官追封豫章郡公謚文安

侯斯生平清儉至老不渝立朝雖居散地而急於薦士揚人之善惟恐不及為文章語簡而當殊方絕域咸慕其名得其文者莫不以為榮云元史有傳

余天民元延祐間授白鷺州書院山長敦復古道務崇正學書院側有奉浮屠者請於總管毀之立復古亭於上面是洲地悉屬書院見吳師尹書院記見曾洋撰白鷺書院志人物列傳

黃潛字晉卿義烏人今屬金華府潛自幼篤學博極羣書師事長山教諭王炎澤以文章名世延祐初進士累官翰林侍講學士告歸復召還修宋金遼三史後得請優游田里凡七年卒年八十一封江夏郡公諡文憲潛天資介特蒞官清白升朝挺立無所附君子稱其清風高節如冰壺玉尺雖中剛鳳鑑案元史作剛中少容觸物或弦急霆震一旋踵間

煦如陽春潛之學博極天下之書而約之於至精多先儒所未發所著有日損齋稟義烏志筆記若干卷而其太極賦尤稱精詣其文曰厥初馮翼以曹闡兮惟玄黃其輒分爰揭揭於中立兮配天地以為人曩既學而有志兮紛遑遑其求索曰道不可名兮軌無微而有角翳皇羲之神聖兮感龍馬之負圖得妙契於俯仰兮何有畫而無書豈至道之玄遠兮非名言之可摹懿尼邱之降福兮廓人天以宣朗揭日月於中天兮啟羣昏之罔象指妙道於難明兮曰以一而生兩是為太極兮非虛無與恍惚高下以位兮天尊地卑燥溼以類兮五行順施南乾北坤兮西坎東離物錯綜兮殊巨細與妍媸輒主張是兮茲一本之所為歷兩都而江左兮何論說之紛霏豈清言之弗美兮去道遠而游移偉先哲之獨詣兮重指掌於無極揭座右以為圖

今開旨讐於千億謂世道之匪它今在夫人而曰誠幾善惡猶陰陽兮茲吉凶之所生嗟奇論之後出兮穴牆垣爲戶牖折同異於一言兮或曰無而曰有猶終不可使薰兮聖終不可使黜道惟辨而愈明兮貽話言於不朽管聖門之多賢兮續入室而升堂端木氏之穎悟兮僅有覩其文章雖亞聖之挺生兮猶歎其壽後之無方疇敢索無聲於宵默兮孰能求無形於渺茫惟下學而上達兮炳聖謨之洋洋嗟諸生之貿貿兮方鉤深而摘隱探賜也之未聞兮誇神奇而捷敏持空言於繁影兮曾不滿夫一晒曰余未知兮何太極之敢言秉思誠之遺訓兮矢顛沛而弗諼庶反觀而有得兮明萬里之一原申誦言以自詔兮研紆意於斯文元史有傳

吳萊字立夫浦江人父直方元統閒以薦累官集賢大學

士萊天資絕人七歲能屬文延祐中以春秋舉上禮部不利隱居深衷山中益窮諸書奧旨以著述爲務著尙書標說六卷春秋世變圖二卷春秋傳授譜一卷古職方錄八卷孟子弟子列傳二卷楚漢正聲二卷樂府類編一百卷唐律刪要三十卷文集六十卷他如詩傳科條春秋經說胡氏傳證誤皆未脫稟萊九喜論文嘗云作文如用兵兵法有正有奇正是法度要部伍分明奇是不爲法度所縛千變萬化坐作擊刺一時俱起及其欲止部鳳鑣案元伍史作什各還其隊元不曾亂聞者服之行輩稍後於柳貫黃潛而貫潛咸服重之以御史薦爲長蘓書院山長未上卒年四十四門人私謚曰淵穎先生或病其未稱叟謚曰貞文丁氏南湖謂元人之文以二吳爲重云元史見黃潛傳

陳尙德字□□福州靈德人號懼齋隱居不仕其學以四

書五經為本而尤精通律呂天文地理麻數之說著述有四書集解書傳補遺易經解注詠史詩弟子翰信同字□亦靈德人號古遺隱居不仕著書講義五百餘篇及易經三禮劄注書集解史類纂

柳貫字道傳婺州浦江人器局凝定端嚴若神嘗受性理之學於蘭谿金履祥必見諸躬行自幼至老好學不勸凡六經百氏兵刑律呂數術方技異數外書靡所不通作文沈鬱春容涵肆演逸鳳鑑案元史作迤人多傳誦之始用察舉為

江山縣儒學教諭仕至翰林待制與同郡黃潛及臨川虞集豫章揭傒斯齊名人號為儒林四傑所著書有文集四十卷字系二卷近思錄廣輯三卷金石竹帛遺文十卷年七十三卒元史見黃潛傳

翁森字□□仙居人隱居不仕教授從游者後八百餘

人著有一瓢臺嘗建安州書院

王吉才字□□龍谿人篤志古道尤明典禮元時郡守知其有身心之學延為弟子師後為泉州學正吉才天性孝敬親終皆及期者已且老哀慕痛毀有逾蚤喪雖在家庭亦衣冠斂容人未見其遽言怒色自號益齋學者稱益齋先生

黃鎮成福建之邵武人年弱冠厭棄榮利慨然以聖賢道學自力學者號曰存齋先生至正間隱居不仕有著述甚富以壽終集賢定諡貞文處士

間人夢吉字應之金華人夙承家學於六經傳疏悉手鈔成帙義理所在必深究密察閉戶討論逾十年乃開門講授泰定間歷官所至學者爭從之游門人宋濂吳履仁輩私諡曰凝熙

周潤祖字□□臨海人與達兼善爲友精性理之學爲所推重至正中以老謝歸有紫岩稿十餘卷

朱震亨字彥修婺州義烏人別號丹谿學者稱丹谿先生少治經修博士業長棄去爲任俠壯間金華許先生謙得朱子四傳之統盡棄其學學焉而篤於躬行時許先生病久不瘥震亨病脾乃慨然專於醫久之業成許先生病竟以震亨愈震亨簡慤特介非其友不友非其道不道一時名公卿多折節下之震亨侃侃直誠議得失無諂語榮利則拂衣而起豪家大姓肆筵鎔水陸爲供正襟默坐未嘗一舉箸也清修苦節絕類古篤行之士所至人化之其卒也宋濂表其墓比修元史附其傳儒林中見許謙傳屈繼平字□□翼城人年七歲而孤性敏彊記至元間鄉舉得程朱爲己爲人之實學以爲學者倡及卒門人號曰

北城先生見山西通志

倪士毅字仲弘休寧人潛心求道嘗學於陳櫟朱敬輿所著有四書輯釋汪克寬爲之序

程復心字子見婺源人自幼沈潛理學會輔氏黃氏之說而折衷之章爲之圖圖爲之說書成名曰四書章圖總要仕爲徽州教授後以母老辭歸

汪克寬字仲裕祁門人少穎敏力學元舉於鄉不第遂隱居教授與弟時中讀書城南扁其居曰中山書堂鄰居學者皆宗師之所著有春秋纂疏綱目攷異

朱公遷字克升江西鄱陽人父梧岡翁間同郡準軒吳中行字直卿樂平人得間朱文公門人黃幹之學於廣信饒魯往準軒受業焉公遷之學得自家庭於經傳子史百氏之書禮樂律歷制度名物之數無不通悉而貫究之用力

於聖賢之道以正心誠意爲學真知實踐爲功天性仁孝勤於著述剖析經傳極其精微而又善於訓迪其言溫諄諄不勸故所至無賢不肖皆樂從隨其才質之昏明大小咸有所得從者嘗數百人元順帝時以遺逸徵至京兆翰林直學士每勸帝親賢遠佞抑豪強省冗費修德卹庶民天意可回民志可定不然恐國家之憂近在旦夕帝嘉納之當國惡其切直不能容公遷亦知世不可有爲力辭不許章七上乃出爲金華郡學士翰林侍讀學士黃滔少許可一見公遷特加愛敬焉會兵亂轉徙無定處已而寓婺源後歸家卒著有朱子詩傳疏義四書約說四書通旨行於世

元儒略卷四終

順德龍鳳鑣校栞

